

*Poesia in dialetto*  
*"SGUNDEN"*

*La frasiòn ad Curtzèl*

L'era la frasiòn di pòss a dl'aquedott,  
i mandaven l'aqua a Sasgond c'mi cundott.

Pr'al paés l'é sta un tocasana  
a sarà i pòss a camisa da l'aqua piuvana.

Con l'aqua potabile a s'é arsanà la zòna,  
dal famìi à cumincià a sparir al tracòma.

Un gran tecnich l'idraulich ideatùr,  
al geometra Zard con la squadra di costrütùr.

Tött i Sgunden ansiàn i s'arcorden  
do statui ad león a fianch a d'la so porta;

da picén quand ieren ragàs, ien andà  
almen 'na volta in cropa ai león ad Zard.

A gh'era la curta ad Pirén Fras, al "Palàs"  
cm'al casèl, stali, cavai e vachi da lat;

i Pudàgn cm'al cantinón, e Camurèl  
al mustava l'öva bianca e nigra ad mèz Curtzèl;

la fatoria ad Gigén Burghétt negusiant,  
i cavai da tròt la so pasiòn da diletant;

al vèc' Mumbariàn al lavurava la sanguané'na,  
al ligava scui, mansaroi e la mansaré'na;

la Secondina con Medici pularöl  
par campagna a catar sö pulastar e òv;

la Césa cm'al maestar Don Bighén,  
quarta e quinta maschile ad tant Sgunden,

l'era un maestar sevér e poch tulerant,  
al girava con la stropa in mèza 'i banch.

L'é sarada la Césa, ien sarà i pòss da Zanèl,  
i növ quartér i venen sö vers Curtzèl.



L'aquedott ad Curtzèl - 28-10-1928  
Ideatore e promotore Licinio Zardi

*Remo Allegri*